



COMUNICADO DI PRENSA

Fecha: 11 di mei 2009

No.: 02

Oranjestad - Despues cu Comision Bon Boluntad a inicia su trabao pa e campaña electoral di e aña aki, den e relato di prensa aki CBB ta desea di duna un vista riba su actividadnan den e lunanan venidero, te na dia di eleccion mes.

Convenio Electoral 2009

Mescos cu den e añanan anterior, e biaha aki tambe e intencion ta pa yega na un convenio firma pa tur partido, cu ta encera e puntonan cu e partidonan ta compromete pa tuma na cuenta durante campaña pa esaki bay di un forma trankil y ordena. Esaki ta tocante entre otro, stipulacion legal encuanto orden y seguridad publico, recaudacion di fondo na manera apropia, evita mal uso di recurso gubernamental, evita lenguahe instigante o insultante den medio di comunicacion.

Pa logra esaki, ya caba CBB a reuni individualmente cu casi tur partido, presentandonan e concepto pa e convenio pa 2009. Ta spera cu pa mas tarda 1 di juni 2009, despues cu tur partido a haya oportunidad pa haci sugerencia pa modifica o añadi algo den e draft di e convenio, firmamento di e documento final di banda di tur partido por tuma lugar.

Cuerpo di Supervision

Despues di firmamento di e convenio, cada partido lo nombra un persona cu lo tuma parti, hunto cu miembronan di CBB, den un Cuerpo di Supervision cu lo bay vigila e campaña electoral. E cuerpo aki lo reuni cada dos siman, o mas vez si e situacion ta exigí esey, pa trata tur punto di tin di haci cu campaña. Esaki por inclui denuncia o keho encuanto incumplimento, o incidente cu por a tuma lugar, algo cu a aparece den medionan di comunicacion, etc. Pa e kehonan, cu por ser haci tanto pa ciudadano individual como pa partido politico o otro organisacion, lo tin un procedura special cu lo anuncia despues.

Prensa

Mirando e importancia di prensa den opinion publico, CBB lo sigui stimula medio di comunicacion pa haci nan trabao segun norma di etica periodistico acepta internacionalmente. Esaki ta tuma lugar a traves di divulgacion di e Codigo di Etica di Federacion Internacional di Periodista (FIJ).

Trabao di supervision ta dura te dia di eleccion, 25 di september venidero. Despues di eleccion CBB ta finalisa su labor cu presentacion di un informe final, cu ta encera

Secretariado di Comision di Bon Boluntad :

Tel. 582-1120 Ext. 29/34/41-Fax. 588-3200

E-mail secretariat@arubachamber.com

Website: www.arubachamber.com/ComisionBonBoluntad.htm



tambe raportahe tocante e relato financiero cu e partidonan cu a suscribi e convenio ta compromete pa entrega, pa mas tarda 90 dia despues di fecha di eleccion.

Atentamente,
Na number di Comision Bon Boluntad,


Lydia Emerencia, Presidente

Secretariado di Comision di Bon Boluntad :
Tel. 582-1120 Ext. 29/34/41-Fax. 588-3200
E-mail secretariat@arubachamber.com
Website: www.arubachamber.com/ComisionBonBoluntad.htm